

UANDAKUA JURHIMBEKUECHERI K'UIRIPUECHERI PARHAKPENI ANAPU

INCHAJPEKUA

Mitiparini eski jánguarhikua, jurhimbekua ka no jupiperakua parhakpeni jimbo jupikuarhisindi jeioperakua jurhimitku jangueri ka no ambe atarantskueri iamindu majku anapuecheri,

Mitiparini eski no eiangperakua ka isku eekua k'uiripuecheri jurhimbekua isi jimbosi xani no sesi kamerajaji; ka uandajaji, eski sanderu k'eri ambe ukua k'uiripuecheri, erokakua materu jaso irekakueri engakso k'uiripuecha, jurhajkutini ia chékua ka komu jángua, sesi marhuataakaksi uandakua ka mamaru jórhati jakajkukuechani,

Mitiparini sesimindu eski k'uiripuecheri jurhimbikuecha kuajpeñaaka K'eri jurhimbikua jimbo, jimbokakso iso k'uiripuecha uatiksi no ambe jupikuarhini ka jauarani no sesi kamberakua jimbo,

Mitiparini istu eski uetarisínga etsekuni ka k'uiriperani iretecheri sesi pajperakua,

Mitiparini eski iretecha, Iretecheri kunguarhikua sesi jimbomendu uandaji ia imecheri jakajkua K'eri karókatarhu k'uiripuecheri jupikuarhikua jurhimbekueri, k'uiripuero k'uratsekua ka ts'ieukua ka majku jasi jukaparhperakua ts'iueroiticheri ka uarhecheri; ka uandastiksi ia eskaksi uaka ambakiti ambe ireskuni ka irekakua ambe sesi uaxastani eratsiparini eskaksi usínga janguarhikuarhini,

Mitiparini eskiksi K'erhati Irechekuecha eiaukurhistiksi sesi, jarhaujpeni indeni kunguarhikua Organisasioni de las Nasionesi Unidasi jingoni, iamendu jajajarperani ka urauani jurhimbekuechani ka janguarhikuechani k'uiripuecheri, ka

Mitiparini eski sesi mitiakaksi iamendu ieni jasi jurhimbekuechani ka jánguarhikuechani sanderu jukaparhakuesti ka inde eiaukurhikuani uni isi ukuarhini,

K'ERI TANGUARHIKUA uandasindi

I K'eri Uandakua K'uiripuecheri Jurhimbikuecha Parhakpeni Anapu iamenduchani majku jasi eraaparini eskiksi iamendu iretecha janguarhentaakaksi, eskaksi xani k'uiripuecha eski k'umanchikua juramukuecha imani exeparini mititpeakaksi jorhenteparini ka kaxomperakua jimbo, ini ambe jajajarhini, uaxastaatikso, sajani arhipani iapurhu iso, jioukurhijaati ka sesi urajaati, xani iretecha engakso kurhpitini jaka ka engaksojtu iretecha jima jupindakuarhitini jaka.

Arhujtakua 1

Iamendu k'uiripuecha janguarhiparini ka majku jarhati ka jurhimbekuecha jingoni kueraañasondikso ka, juajtakuarhisindiksi ambakiti eratsekua ka kaxumbikua, jatsistiksi eskaksi sesi arhijperaaka.

Arhujtakua 2

Iamendu k'uiripuecha jatsistiksi iamendu jurhimbekuechani ka janguarhikuechani engaksi ixa uandajka, na uejiki jasi iurhiri jatani, xarharani, ts'iueroati o uarhi, uandani, cherejeni, eratseni o materu jangua kamani, nani uejki anapueni, jatsikurhini tumina o no ambe, kueraakateni o materu jasi ambe uni o jamani.

Istu, no ima pañaati naki enga kunguarhikua juramukueri jamaaka, naki uejkini o nani uejki anapueni enga jupindakurhitini jauaka ma k'uiripu, xani enga ma paisi juramukuarhiti anapueuaka, eski ima irechekua enga no iamendu ambe jandiajku juramukuarhiaka.

Arhujtakua 3

Iamendu k'uiripuecha jurhimbekua jatsistiksi jamani i parhakpeni, janguarhikuarhini ka tsipekua kuajpemegani.

Arhujtakua 4

No nema jamaati isku anchikuarhitsipeni nijtu isku jantspeni; isku anchikuarhitsipekua no sesikua jarhasti ka ni niatatsipetichani ataraantani o piauni na uejki jasi jimboeni.

Arhujtakua 5

No nema jatsisti eski komku kajaaka o eski k'uratsekueni jaso ambe kajaantaaka.

Arhujtakua 6

Iamendu k'uiripuecha jurhimbekua jatsisksi, iapurhu isi, eski jajajarhijaaka na uejki jasoeni.

Arhujtakua 7

Iamenduksi majku jastisi jurhimbekuarhu jimbo ka jatsistiksi, ne uejkini, majku jasi kuajpikurhinskua, jurhimbekuecha jingoni. Iamenduksi majku jasi kuajpekuarhinskua jatsisti ne enga t'auajchakuaka ka no paaka ini uandakuani ka eratsekuani.

Arhujtakua 8

Iamendu k'uiripuecha jurhimbikua jatsisti jupikuarhini ambe enga kuajpintaaka, enga tsandpemegaaka kuramukperakuarhu, eska kuajpegantaaka enga imeri jurhimbekuechani t'auajchakumegaaka.

Arhujtakua 9

No nema uati isikumendu undani jupinani, onaganani ni chutanantani o petaatanani.

Arhujtakua 10

Iamendu k'uiripu jurhimbekua jatsisti, mangueni jatini, eska kurajchanaaka ka eska sesi kurangumenantaaka, eskakso juramuticha no nema jingoni k'uetsapeaka, eratseparinksĩ imecheri jurhimbekuechani ka janguechani, o engaksĩ uekaka mitikuni ambesĩ tsĩjpa.

Arhujtakua 11

Iamendu k'uiripu tsandpemenakata ma ambe tso

No nema jupinaati ka onaganani enga jiajkani enga tso

Arhujtakua 12

No noma inchakumenaati imeri irekakuarhikua jimbo imeri japindembekuarhu, imeri k'umanchikuarhu o imeri ambe axatoperakuarhuni jtu churegani jaakuarhimegani ambe. Ini ambe jimbo iamendu k'uiripu jatsisti jurhimbekua eska kuajpikurhintaaka.

Arhujtakua 13

Iamendu k'uiripu jurhimbekua jatsisti jamani ka erakukuarhini nani enga irekaaka ma Irechekuarhu.

Iamendu k'uiripu jurhimbekua jatsisti ueakuni ma o imeri paisirhu ka menderu ichaakuntani.

Arhujtakua 14

Enga andanguani o jupinakuekani jauaka

I jurhimbekua no uati uanakutani o kurajkuarhini ma ambe tsĩjpakua jimbo enga ambe arhijka Nasionesi Unidasirhu.

Arhujtakua 15

Iamendu k'uiripu jurhimbikua jatsisti nani enga anapueuaka.

No nema euakuarhenaati jurhimbikua isku undani nani enga anapueuaka o irekaaka ka majku jastu enga uekaaka mojtakukuarhini materu o tamu iso

Arhujtakua 16

Ts'iuerticha ka uórhicha, engaksĩ tumbiuaka ia ka iurhitskirini ia, jurhimbikua jatsistiksĩ, no p'ingunaparini iurhiri anapuekua o cheregekua jimbo, tembuchani o uambuchani ka ireskuni ma japindembekua; ka majku jaso marhuataatiksĩ jurhimbikuechani engaksĩ tembungurhitini jauaka ia ka istu engaksĩ jurhajkperaaka.

Jeiokepararinskĩ ka uekaparinkuksĩ uati tembungurhirini.

Japindembekua kueraakatesti parhakpenirhu ka jurhimbikua jarhasti eskiksĩ ireta ka Irechekua kuajpiaka ka jarhuatpeaka.

Arhujtakua 17

Iamendu k'uiripu jurhimbekua jatsisti eski mamaru ambe jandiajku minguarhiaka, ka istu kunguarhuntatini mamaru ambe jatsikuarhini materu k'uiripuecha jingoni.

No nema euakuarhinaati iskumendu imeri jatsikuarhikua ambe.

Arhujtakua 18

Iamendu k'uiripu jurhimbekua jatsisti eratseni eski na uekaaka, jajaskani ka cheregentu iso; i jurhimbekua jtu arhisĩndi eski ugaaka mojtakuni cheregekua ka jokajkukua, istu uandani na jaso cheregesondi ka jakajkusĩndi, jandiajku ka uanekuecha jingoni, xani eski mitikuarhiaka ka eskajtu no ambe, jorhenguarhikua jimbo, isĩ ukua jimbo, jangua ka exekua jimbo.

Arhujtakua 19

Iamendu k'uiripuecha jurhimbekua jatsistiksĩ arhiipeni ka uandani; i jurhimbikua jtu arhisĩndi eski no ambe ma arhinaaka ambe enga uandaaka, ka etsakuni, mamaru jasĩ ambe etsakutarakua jimbo.

Arhujtakua 20

Iamendu k'uiripuecha sesikua jasistiksĩ tanguarhiqantani ka kunguarhiqantani kasopekua jingoni.

No nemanksĩ uati uinjarhitani eski ma kunguarhikua jingoniuaka.

Arhujtakua 21

Iamendu k'uiripu jatsisti sesikua uni andaparakuerani k'eri juramukuarhu, andaparakuerani o enga erakuntskuarhu ueraaka.

Iamendu k'uiripu sesikua jatsisti eski majku jasĩ ambe uaka teruqarhitani juramukua imeri paisirhu.

K'uiripuери eratsekua ireteri anapu majkuesti jupitsekua uingapikua enga ireta uandaaka juramukueri; i kuramukperati uati ma juramitini jatsini erakuntskuarhu engakso ukuarheni jauaka na jatini enga k'uaniaka, erakuntaparini sipatinku o iamendu exenaparini.

Arhujtakua 22

Iamendu k'uiripu, jimboka iretarhu anapueka, jurhimbikua jatsisti jangaparhikua kuajperata intsonani jarhuajperaparini iamendu juramukuecha jingoni juchari pwindetsikuarhu jimbo ka tepetsekuarhu, marhuatani tumini juchari irechekuarhu anapu, enga uetarka imeri jangaskua sesi jaxeaka ka t'arhexeaka.

Arhujtakua 23

Iamendu k'uiripu jatsisti eski intsingaaka ma anchekuarheta, eski ima na jasi jangaskatini jauaka, majkueni eski maruteruecheri ka eska kuajpegaaka enga niatakua no ambe jatsikuarhiaka.

Iamendu k'uiripu jurhimbekua jatsisti, no amutangantaparini, eski meiamugaaka ambe ka na xani enga anchikuarhitini jauaka.

Iamendu k'uiripu enga anchikuarhijka jurhimbikua jatsisti eska sesi meiamugaaka ka sesi exeaka, eski uaka nitamakuarhini ka sesi irekakuarhitarani imeri anapuecha jingoni.

Iamendu k'uiripu sesikua jatsisti kunguarhikuechani uaxastaani ka imajtu inchajpeni kunguarhekuarhu ka isi uni kuapini imeri anchikurhikuani.

Arhujtakua 24

Iamu k'uiripu jatsikuarhesti jurhimbekua mintsikuarhekua, jurhitenchakuarhekua, sesku atakua anchakuarhekua ka isijtu jakua na jasi jimbo jandajpekua meiamukata.

Arhujtakua 25

Iamu k'uiripu jatsikuarhesti jurhimbekua jurhimbejtsitatakua tsipekueri terukutakata imangi tatetspekuuaka, ka isijtu imeri exenchperakuani, uratajperantskua, ka sesi jakua, ka t'irekua jindemendo, xukuparhakua, irekua, tsinajperakua ka imangi uetarhiuaka ireteri manaratsperakua; ka isijtu jatsisti jurhimbekua tataetsperakuechani, iki no jatsikuarheuaka anchekuarheta, p'amenchakua, no ambouakua, tsindikua, t'arhepekua o materu ambe jimbo enga tsitooka imeri nitamanchakua imangi jimbo no isi atini jauaka.

Kuxarhekua ka uajpa sapichuekua jurhimbekua jatsikuarhestiksi jukauantskuaechani ka jandiojko jarhutakuaechani. Iamendu takiecha, jupiukata tembuchakua o uerakua tembuchakuarhu, jurhimbekua jatsisti majku jasi kuangani iretarhu.

Arhujtakua 26

Iamu k'uiripu jurhimbekua jatsikuarhesti ambonastakua intso

Ambonastajperakua niarauati iamu p'irakuni k'uiripekua k'uiripuchaeueri ka uingaperani jangaparhikua jurhimbekua k'uiripuecheri ka janguarhekuaechanijku, uingaperauati kurhangukua, tekaantskua ka sesi pajperakua iamu sorangua k'uiripucheri ka iamu iretecheri o cheregekuaecheri, ka manatooti p'irakukua niatakuaecha Kunguarhekua So

Tatembaecha uati erakuni na jasi ambonastajperakua uekasini intskuni uajpechani.

Arhujtakua 27

Iamu k'uiripu jurhimbekua jatsikuarhesti jandijku inchamukuni mimixekua tsipekuarhu ireteri, maruutani anchekuarheta imangi tsitieka ka inchajpeni jurhenguarhu imangi urhepani jauaka ka jurhiatenchakua imangiksi jima uerooka.

Iamu k'uiripu jatsikuarhesti jurhimbekua kuajperantskua imeri pejparikuaechani sesi jangua ka kejtaskuarhekuecheri imangiksi k'uaninchooka, anchekuarheta petakua, mimxekua, karakua o imecheri sesi niatakua jimbo.

Arhujtakua 28

Iamu k'uiripu jurhimbekua jatsikuarhesti esiki ikaskungooka ma ireteri uandangukata ka iamu sirukua k'uiripuecheri jininga jurhimbekuaecha ka janguarhekuecha enga eiamarhijperanajka i ambonastajperakuarhu esoka isi niatakuarheuaka.

Arhujtakua 29

Iamu k'uiripu jatsikuarhesti eiauandakuarhekuaechani ireta jinguni, jimboka jimajku uaka kuerakuarheni jandijku imeri k'uiripekua.

Niatakua iameueri jurhimbekuaecha ka marhunchakua imaeueri janguarhekuaecha, iamu k'uiripu engauati jupikakata jima jimberu esika na uandakata jauaka uandaskukatarhu jimbokijtu isijku uati uingamu jupikani mitejperantskua ka jangaparhikua jurhimbekua ka janguaecheri, ireteri uandangukata ka sesi irekua ma iretarhu imangi jauaka ireteri juramukua.

I jurhimbekuaecha ka jandijku hanguarhekua no uati mentjikusi niatakuarheni tangatskuarhekuni uengurhikua ka uandajekuaechani Kunguarhekua Ma Sorangua K'uiripuecheri.

Arhujtakua 30

No ambe ma i ambonastajperakua uati kurhangukuarheni esoki intskusīnga jurhimbekua irechakuani, ma umbatsekuani o ma k'uiripuni, uenani ka pīirakuni niatakuechani o niatani ambe ma imangisī texurhiuaka kenditani nakinderku ma jurhimbekuechani ka jandijku janguarhekauechani eiamarhiijperakatecha i ambonastajperakuarhu.